



市

市

市

日

光緒三十年上海圖書
集成

本草一書撰自軒皇種別三十六分爲三品與內經素問諸書並爲世寶梁陶通明增藥一倍隋品附入唐宋重修各有增附此厯季之舊本也其編葺爲綱目者自明萬厯初年楚黃李東璧集諸家爲大成一刊於金陵胡氏一刊於豫章藩司自金石草木禽獸蟲魚器物菜果以及人身膚髮垢膩通列一十六部爲綱六十類爲目使溫涼燥濕補瀉宜忌無微不錄誠爲濟世要編較諸爾雅蟲魚之筆稻含草木之狀功用不啻霄壤惜乎兵燹屢經藩司藏板遂成灰燼王弇州所稱如入金谷園種色奪目登龍君宮寶藏悉陳對冰壺玉鑑毛髮可指數者竟歸咸陽一炬甯無惋悼余奉

命撫江見城郭邱墟瘡痍滿目惻然念之夫金湯不固失在營衛元元未起患在腹心闔闔未甯病在肢體余甫下車卽築城繕隍建營置衛清業還民爲根本重計蓋疆域旣先文獻亦不敢稍後故整白鹿祀典而置生徒之贍田闔誌乘簡編而理版籍之殘缺求綱目一書僅存其名矣爰稽江右藩臬二司所藏舊鏤書百有餘種俱關經世大業今盡化爲烏有又時值歲祲湖東西尤切軫念媿乏勾漏之砂安能盡人力以補天工卽今庾嶺虔州疫癘洊臻余署隣玉隆仙井又安能借旌陽一匕水以蘇此一方民乎海內青囊肘後不少概見醫不識方藥不諳性任意妄投猶方鑿而圓柄是綱目之鑿梓更有

不容後於諸經籍者公餘簡原本而特加訂正壽之梨棗次第行之使藥石有備而災眚無虞庶幾不至緩其所急也夫金匱石室補忘拾遺匪異人任倘獲以是書進之講筵以備

睿覽使君臣佐使之用藉鹽梅之鼎以調五味皆和三法互效養元氣於周身付大還於庶衆以充先聖王立言之妙而闡明東璧氏一片苦心於天下後世使醫俗者卽以醫國壽國者卽以壽民奚翹多識鳥獸草木之名與三百篇並傳哉

順治丁酉長至日撫江使者三韓張朝璘題

重訂本草綱目自序

大凡書不足以集大成其編纂不足以備體用則綱目勿稱焉載籍極博猶爲考信是也曩東壁李先生荆楚博雅君子也成本草綱目一書人第知先生綜核羣籍文成億萬分十六部五十二卷不知以彼其才歲歷三十霜書採八百餘家稿三易然後告成事爲其間圖象繪形芟複補闕繩譌解惑仍其舊而新是圖如舊本千五百一十有八種而外所增三百七十有四蓋李氏之新書也亦旣勤且詳進乎大道矣然未敢自信請王弇州先生爲玄宴往余寓目而游心焉先生之書觀止於發凡與遺表中獨是輯成治法見其炮製一準乎雷公且有用苗用根用子與葉之別中言寒熱溫涼之性升降浮沉之理味有五曰甘曰鹹曰酸曰苦曰辛治有三曰汗曰吐曰下以越宣通瀉補輕重滑澀燥濕之十劑復權衡大小緩急奇偶復之間明晰大毒小毒無毒畏惡相反之忌至於分引經絡列諸驗方衷夫藥性易不云乎本乎天者親上本乎地者親下亦各從其類也矧清陽之氣出上竅濁陰之氣行下竅清陽發腠理濁陰走五臟亦大彰明較著者也豈第物產從地名從主人便參稽觀覽云爾哉斯又先生之精微焉者也於是孝子之事親與國人之活人鏡觀此書許世子栽杏叟之事吾知免矣然本草非先生昉也始於炎黃旣於岐高盛於漢衍於梁浸淫於唐宋曰綱目至先生而大備比於史事紫陽溫公分路揚鑣何多讓焉先生

是書自昔仁廟間一刻再刻其圖似是而非者有焉其文烏焉魯魚者有焉余與友人黼明錢子惻圖刻之末工商讐校之獨脊踵事增華爲重訂梓字內久排第一善本今年春黼明子倦於事且謂余歸里以來無所事事盡授余行世余惟字內同人咸知余與黼明子於先生之書相與以有成也今復研訂一過不惜洛陽紙貴夫庸知作者之與行世者不功相半乎

順治乙未春日澹甯子玉函吳毓昌謹序

湖廣黃州府儒學增廣生員李建元謹

奏爲遵奉

明例訪書進獻本草以備採擇事

臣

伏讀禮部儀制司勘合一款恭請

聖明勅儒臣開書局纂修正史移文中外凡名家著述有關

國家典章及紀君臣事跡他如天文樂律醫術方技諸書但成一家名言可以垂於方來者卽訪求解

送以備採入藝文志如已刻行者卽刷印一部送部或其家自欲進獻者聽奉此

臣

故父李時珍

原任楚府奉祠奉

勅進封文林郎四川蓬溪知縣生平篤學刻意纂修曾著本草一部甫及刻成忽值數盡撰有遺表令

臣代獻

切思之父有遺命而子不遵何以承先志父有遺書而子不獻何以應

朝命矧今修史之時又值取書之會

臣

不揣謏陋不避斧鉞謹述故父遺表

臣

父時珍幼多羸疾長成

鈍椎耽嗜典籍若啖蔗飴攷古證今奮發編摩苦志辯疑訂誤留心纂述諸書伏念本草一書關

係頗重註解羣氏謬誤亦多行年三十力肆校讐歷歲七旬功始成就野人炙背食芹尙欲獻之

天子微臣採珠聚玉敢不上之

明君昔炎皇辯百穀嘗百草而分別氣味之良毒軒轅師岐伯遵伯高而剖析經絡之本標遂有神農本草三卷藝文錄爲醫家一經及漢末而李當之始加校修至梁末而陶宏景益以註釋古藥三百六十五種以應重卦唐高宗命司空李勣重修長史蘇恭表請伏定增藥一百一十四種宋太祖命醫官劉翰詳校宋仁宗再詔補註增藥一百種召醫唐慎微合爲證類修補衆本草五百種自是人皆指爲全書醫則目爲奧典夷考其間玼瑕不少有當析而混者如葳蕤女萎二物而併入一條有當併而析者如南星虎掌一物而分爲二種生薑薯蕷菜也而列草品檳榔龍眼菓也而列木部八穀生民之天也不能明辨其種類三崧日用之蔬也罔克的別其名稱黑豆赤菽大小同條消石芒消水火混注以蘭花爲蘭草卷丹爲百合此寇氏衍義之外謬謂黃精卽鉤吻旋花卽山薑乃陶氏別錄之差譌酸漿苦膽草菜重出掌氏之不審天花栝樓兩處圖形蘇氏之欠明五倍子構蟲窠也而認爲木實大蘋草田字草也而指爲浮萍似茲之類不可枚陳略摘一二以見錯誤若不類分品列何以印定羣疑臣不揣猥愚僭肆刪述重複者芟之遺缺者補之如磨刀水療水桑柴火艾火鎖陽山柰土茯苓番木鱉金枯樟腦蝎虎狗蠅白蠟水蛇狗寶秋蟲之類

並今方所用而古本則無三七地羅九仙子蜘蛛香猪腰子勾金皮之類皆方物土宜而裨官不載今增新藥凡三百七十四種類析舊本分爲一十六部雖非集成實亦粗備有數名或散見各部總標正名爲綱餘各附釋爲目正始也次以集解辨疑正誤詳其出產形狀也次以氣味主治附方著其體用也上自墳典下至傳奇凡有相關靡不收採雖命醫書實核物理我

太祖高皇帝首設醫院重設醫學沛仁心仁術於九有之中

世宗肅皇帝旣刻醫方選要又刻衛生易簡藹仁政仁聲於率土之遠伏願

皇帝陛下體道守成遵祖繼志當離明之正位司考文之大權留情民瘼再修司命之書

特詔良臣著成

昭代之典治身以治天下書當與日月爭光壽國以壽萬民臣不與草木同朽臣不勝冀望屏營之至

臣建元爲此一得之愚上干

九重之覽或准行禮部轉發史館採擇或行醫院重修父子啣

恩存歿均戴臣無任瞻

天仰

聖之至

萬曆二十四年十一月

日進呈十八日奉

聖旨書留覽禮部知道欽此

臣等謹將此

冊外之書皆是以前天下書藏其日月年次而編以類其書

神聖聖旨書

皇帝御不關御中起數而藏亦宜編冊之五世而後天

世宗獻皇帝通曉古文戲筆及後書主編冊之

太祖高皇帝首創書局通覽御前

冊代善又編冊於上

將諸冊以分藏閣中

諸書皆以類編

諸書皆以類編

一神農本草三卷三百六十種分上中下三品梁陶宏景增藥一倍隨品附入唐宋重修各有增附或併或退品目雖存舊額淆混義意俱失今通列一十六部爲綱六十類爲目各以類從三品書名俱註各藥之下一覽可知免尋索也

一舊本玉石水土混同諸蟲鱗介不別或蟲入木部或木入草部今各列爲部首以水火次之以土石火爲萬物之先土爲萬物母也次之以金石從土也次之以草穀菜菓木從微至巨也次之以服器從草木也次之以蟲鱗介禽獸終之以人從賤至貴也

一藥有數名今古不同但標正名爲綱餘皆附於釋名之下正始也仍註各本書名目紀原也

一唐宋增入藥品或一物再出三出或二物三物混註今俱攷正分別歸併但標其綱而附列其目如標龍爲綱而齒角骨腦胎涎皆列爲目標梁爲綱而赤黃梁米皆列爲目之類

一諸因首以釋名正名也次以集解解其出產形狀採取也次以辨疑正誤辨其可疑正其謬誤也次以修制謹炮炙也次以氣味明性也次以主治錄功也次以發明疏義也次以附方著用也或欲去

方是有體無用矣

舊本附方二千九百三十五今增八千一百六十一

一唐宋以朱墨圈蓋分別古今經久訛謬今既板刻但直書諸家本草名目於藥名主治之下便覽也
一諸家本草重複者刪去疑誤者辨正采其精粹各以人名書於諸款之下不沒其實且是非有歸也
一諸物有相類而無功用宜參攷者或有功用而人卒未識者俱附錄之無可附者附於各部之末蓋有隱於古而顯於今者如莎根卽香附子陶氏不識而今則盛行辟虺雷昔人罕言而今克方物之類雖冷僻不可遺也

一唐宋本所無金元我明諸醫所用者增入三十九種時珍續補三百七十四種雖曰醫家藥品其攷釋性理實吾儒格物之學可裨爾雅詩疏之缺

一舊本序例重繁今止取神農爲正而旁採別錄諸家附於下益以張李諸家用藥之例

一古本百病主治藥略而不切王氏集要祝氏證治亦約而不純今分病原列之以便施用雖繁不紊也

一神農舊目及宋本總目附於例後存古也

考證諸書目

黃帝素問

王啓元注

靈樞經

太倉公生死祕要

皇甫謐甲乙經

玄珠密語

扁鵲脈經

諸家注解難經

呂廣虞庶

楊元操

龐安時

陳瑞孫

王宗正

張元素

滑伯仁

熊宗立

華陀脈經

仲景金匱方

仲景傷寒論

王叔和脈經

褚氏遺書

澄

千金方論

孫真人

徐氏脈經訣

文伯

巢氏病源方

外臺祕要

王壽

吳廣脈賦

玉函經

杜光庭

太平聖惠方

諸家注解高陽生脈訣

通真子

張潔古張世賢

沈氏勿吮子

脈經手訣

張氏

南陽活人書

脈說

脈要新括

通真子

診脈須知

劉元實

陳言三因方

崔紫虛脈訣

方脈舉要

劉三點

王貺指迷方

李希范脈髓

脈理玄祕

聖濟總錄

蔡西山脈經

醫學發明

李東垣

楊仁齋醫脈真經

蕭世基脈粹

碎金脈訣

張擴太素脈訣

魏伯祖脈說

張杲醫說

楊文德太素脈訣

王適齋脈訣

王世相醫開

詹炎舉太素脈訣

脈訣刊誤

戴同父

決脈精要

黎民壽

彭用光太素脈

脈訣圖說

朱丹溪

診家樞要

滑壽

醫經小學

劉純

醫學權輿

傅滋

儒醫精要

趙繼宗

儲華谷祛疑說

朱子文集

吳草廬集

祁貴傳道集

第一卷

序例上

第二卷

序例下

第三卷

百病主治藥上

第四卷

百病主治藥下

第五卷

水部二類

水一

天水類十三種

水二

地水類三十種

第六卷

火部一類

火一

凡十種

第七卷

土部一類

土一

凡六十種

第八卷

金石部五類

金石一

金類二十八種

石二

玉類十四種

第九卷

石三

石類上三十二種

第十卷

石四

石類下三十九種

第十一卷

石五

鹵石類二十種
附錄二十七種

第十二卷

草部十一類

草一

山草類上三十一種

第十三卷

草二 山草類下
四十種

第十四卷

草三 芳草類五
十六種

第十五卷

草四 陽草類上
五十三種

第十六卷

草五 陰草類下
七十三種

第十七卷

草六 上下 毒草類四
十七種

第十八卷

草七 上下 蔓草類七十三種
附錄十九種

第十九卷

草八 水草類二
十三種

第二十卷

草九 石草類
十九種

第二十一卷

草十 苔草類
十六種

草十一 雜草類九種 有名
未用一百五十三種

第二十二卷 穀部
四類

穀一 麻麥稻類
十二種

第二十三卷

穀二 稷粟類
十八種

第二十四卷

穀三 菽豆類
十四種

第二十五卷

穀四 造釀類二
十九種